

大理縣志稿

第三冊

食貨部 卷四至卷五

國家財政 田賦 雜徵

地方財政 自治經費

教育經費

物產 分屬十二

四一圖書館

惠存

敬獻
三四四一

大理縣志稿卷之四

食貨部一

洪範八政首言食貨人非食無以養生非貨無以資生食貨之於人誠大矣哉吾邑負山面海地僅百里土瘠水寒物產至嗇五穀所納不足歲供恆仰隣邑布帛日用皆恃外輸嗟嗟蒼石非玉洱水無金金錢之有輸出而無輸入加以滿清間接苛歛搜括無厭生計安有不蹙然當古昔之世風氣儉樸是崇食鮮珍錯貨無奇淫故土地雖磽物產雖微而無不給之虞今者衣食日用所需視昔較繁矧國家政費日益加多地方則自治有費學校有費實業有費巡警有費無一非

取之於民民力之殫竭何如乎憂時者流思力崇儉樸以救其弊夫儉誠是矣特當茲生存競爭優勝劣敗非沾沾節衣縮食遂足以圖存惟能趨重實業食足貨通斯不至入於淘汰之域非然者生齒日繁地不加闢則食日見其絀百物陋窳商賈裹足則貨日見其滯既絀且滯何以聊生濟困救貧道在生計志食貨

國家財政

田賦

漢

（資始通鑑）

元狩二年置益州郡賜滇王王印復長其民且以故

俗治毋賦稅

唐

（樊綽蠻書）南詔田曰雙漢五畝也（唐書南蠻傳）南詔蠻專於農無貴賤皆耕不徭役人歲輸米二斗一藝者給田二畝乃稅
蒙古元

（元史兵志）大理金齒等處宣慰司都元帥府軍民屯至元十二年命於所轄州縣拘刷滿籍人戶得六千六十有六戶置立屯田十四年僉本府編民四百戶益之十八年續僉永昌府編民一千二百七十五戶增入二十六年立大理軍屯於爨爨軍內撥二百戶二十七年復僉爨爨軍二百八十一戶增入二十八

年續增一百一十九戶總民屯三千七百四十一戶軍屯六百戶爲田軍民已業二萬二千一百五雙至元十六年遷帥大理定租賦

明

（明史食貨志）洪武十七年詔許雲南以金銀海貝布漆硃砂水銀折納秋糧

（王圻續文獻通考）洪武十九年沐英奏雲南土地甚廣而荒蕪居多宜置屯田令軍士開秣以備儲蓄上諭戶部曰屯田之政可以紓民力足兵食邊方計畫莫善於此英之謀可謂盡心矣然邊地久荒榛莽蔽翳用力實難宜緩其賦稅之粟使彼樂於

耕作數年之後徵之可也

滿清

正賦 上則田壹萬柒千貳百貳拾畝捌分玖釐每畝征糧陸升肆合 中則田叁萬壹千貳百肆拾陸畝壹分貳釐每畝征糧伍升肆合 下則田陸萬叁千玖百捌拾伍畝叁分肆釐每畝征糧肆升肆合

園地 肆千捌百陸拾肆畝伍分每畝征糧壹升肆合

額征米柒千叁百伍拾貳石捌斗貳升壹合同治十三年奏減三成光緒十年十三年三十年復陸續升科

共應征米伍千陸百捌拾肆石肆斗叁升玖合貳勺玖抄陸撮除

照二十九年分裁定兵數支米壹千壹百貳拾貳石壹斗捌升
內扣收仍放提標中營四十名兵米壹百肆拾壹石陸斗餘玖
百捌拾石伍斗捌升以壹米貳穀征儲提標管裁米取銷停徵
水折銀肆千伍百陸拾貳兩貳錢伍分玖釐貳毫玖絲陸忽

項光復後奉
文停徵折銀

案兵
米一

(額徵) 條丁銀叁千捌百柒拾兩壹錢陸分

奏平銀叁百捌拾柒兩壹分陸釐

公耗銀肆千伍百肆拾捌兩捌錢叁分

(同治十三年奏減三成) 減數列後

條丁銀壹千壹百陸拾壹兩肆分捌釐

奏平銀壹百壹拾陸兩壹錢肆釐捌毫

公耗銀壹千叁百陸拾肆兩陸錢肆分玖釐

（光緒十年升科）升數列後

條丁銀貳百兩伍錢玖分捌釐叁毫

奏平銀壹百壹拾陸兩壹錢肆釐捌毫

公耗銀壹千叁百陸拾肆兩陸錢肆分玖釐

（十三年升科）升數列後

條丁銀柒兩貳錢叁分伍釐貳毫

奏平銀柒錢貳分叁釐陸毫

公耗銀叁兩玖錢捌分叁毫

(三十年升科)升數列後

條丁銀柒拾壹兩陸錢貳分

奏平銀柒兩壹錢陸分貳釐

公耗銀柒拾肆兩叁分捌釐

(又應徵)條丁銀貳千玖百捌拾捌兩伍錢陸分伍釐伍毫

奏平銀貳百玖拾捌兩捌錢伍分陸釐陸毫

公耗銀叁千肆百玖拾柒兩玖錢貳分柒釐

民國

(案冊)民國五年奉准徵解實數

米折銀伍千陸百陸拾肆兩零玖分貳釐

條丁銀貳千玖百捌拾伍兩捌錢陸分壹釐

奏平銀貳百玖拾捌兩伍錢捌分陸釐

公耗銀叁千肆百玖拾肆兩柒錢陸分叁釐

以上三項均併照章應與米折加二之數

相符

欸平銀叁百叁拾玖兩捌錢肆分陸釐

按米折每兩陸分

夫團錢叁千叁百玖拾捌千肆百伍拾伍文

按米折每兩陸分

條糧盈餘銀肆千貳百捌拾柒兩玖錢捌分叁釐

按米折壹兩伍分

釐房費銀壹錢舊票費錢壹百文又按條丁奏平公耗錢肆分伍銀壹兩貳錢征銀貳錢貳分玖釐房費銀陸分條票錢伍拾文其錢以每貳千文作銀壹兩報解

按糧稅征收章程複雜淆亂茲查案冊其條丁奏平公耗三項

照征法征收實多於解額銀壹拾柒兩柒錢零零肆毫盈餘一項照征法征收實多於解額貳百捌拾玖兩陸錢叁分伍釐貳毫此尙係按照報省案冊查算其中弊端已難搜剔若是於以見吾滇田賦之不能不亟加釐定也

附糧 賓川額征壹百柒拾伍石貳斗肆升柒合貳勺伍抄每石征條糧正雜各款叁兩肆錢

共征銀伍百玖拾伍兩捌錢肆分陸毫

趙州一季田秋糧米折壹拾柒石肆斗伍升陸合每石徵合市平銀貳兩壹錢陸分壹釐隨繳夫馬團費票錢另行照數征收

按舊縣太和附糧一項各屬皆有滿清咸同間回變之後冊籍散失賓川一柱於光緒四五年間始行究獲趙州一柱直至光

緒三十年乃由趙姓報告究實始歸太和征收此
外尙無從稽察太和糧額之重此又非一原因耶

積穀

〔舊雲南通志〕太和縣實貯歷年社倉穀玖百叁拾伍石玖斗壹
升叁合 捐納捐輸穀陸千肆百貳拾石陸斗貳升

〔案冊〕額貯常平倉穀一萬石 社倉穀捌千柒百叁拾貳石柒

斗玖升 按上四項均
提用無存

滿清光緒十六年起每糧壹升抽收積穀貳文年共收積穀錢壹
千壹百零伍千肆百零柒文買穀存倉以備荒年平糶全邑共
分七區每區設一倉每倉設倉正二人以司收放本城倉附設
太和縣署存京石穀壹千叁百壹拾貳石柒斗玖升伍勺貳抄

上鄉上半倉設周城存京石穀壹千肆百零肆石捌斗伍升柒
合伍勺陸抄上鄉下半倉設喜州存京石穀壹千肆百零肆石
捌斗伍升柒合伍勺陸抄中鄉上半倉設林邑村石佛寺存京
石穀壹千伍百壹拾石陸升叁合伍勺肆抄玖撮中鄉下半倉
設鳳儀邑鎮海寺存京石穀壹千陸百零肆石柒斗伍升壹合
伍勺叁抄玖撮下鄉上半倉設上末藥師寺存京石穀壹千叁
百玖拾貳石叁合柒勺貳抄下鄉下半倉設下關玉龍書院存
京石穀壹千叁百壹拾貳石柒斗玖升伍勺貳抄此項積穀錢
自光緒二十九年起全數解省至三十四年停止

賦重原因 明永歷帝奔永昌李定國白文選留兵斷後滿兵追

及玉龍關大理士民力助文選等與滿兵鏖戰及文選敗走木邦大理士民猶拒弗降城破士民多巷戰死滿信郡王鐸尼啣恨特重加賦稅以困之故大理一邑田賦比較他屬多加一倍此加民虐政永不能忘之一端也

征收積弊

滿清同治十一年回變平後本邑官民共議定每糧

壹石折收正銀市平壹兩隨征叁錢叁分玖釐添徵解費平頭銀水一切在內每條公正銀壹兩隨徵銀貳錢貳分貳釐奏平公耗銀一切在內外加條糧票錢壹百文作爲房費知縣阮大定任內每石糧加收陸分每石共收銀壹兩玖錢玖分玖釐每條丁壹兩隨征以加三算共收壹兩叁錢又以每石糧照市米

之價折銀捌兩年浮征銀萬貳千兩有奇知縣楊椿林任內將每石隨征之積穀錢貳百文鐵路貳百文夫馬團費錢各叁百文條糧票錢壹百文共作銀壹兩零零壹釐混入折征每石共加征銀貳兩肆錢知縣張友棠任內停征鐵路積穀兩項僅除銀貳錢肆分知縣胡懋芬任內因冊報清理政局以錢柴百收銀柴錢陸分壹釐恐被駁詰乃分爲四項夫馬錢叁百文作銀叁錢團費錢叁百文作銀叁錢條糧票錢壹百文作銀陸分其餘壹錢壹釐指爲房費知府秦恩述任內仍欲侵蝕此項卽照胡任填報經地方人民屢次電省請將此三項照舊章征收錢文雖經財政司復電允許秦恩述猶從中舞弊電請照舊征

銀地方人民知之力與爭議更復詳稟軍府始奉批准自民國

二年起照舊以錢征收內捏報之房費壹項與新捏之每石糧

收條票錢五十文一項前征之票錢壹百的係條糧兩項今將此項專作糧票外又捏報條票錢五十文

縱再四要求財政司究以原報為憑始終弗省按光復後政府通令征收錢糧

仍照滿清時每銀壹兩合銀幣壹元伍角縣屬糧并征每石糧合共征銀幣肆元肆角零壹釐其隨征之夫馬錢叁百團費

錢三百糧票錢壹百條票錢伍拾統以足錢收納即有以銀幣上納者亦按照市價核實計算不准浮征

雜稅（阮元聲南詔野史）唐玄宗天寶元年南詔威成王晟羅皮

即位立差法收商稅

明會典明正統十年奏准雲南大理府所屬河泊所魚課米中

半納鈔（明外史歐陽重傳）重嘉靖六年巡撫雲南雲南歲貢

金千兩費不貲大理太和蒼山產奇石鎮守中貴遣軍匠攻鑿
山崩壓死無算重皆疏論浮費大省山得永閉

滿清康熙三十三年太和縣商稅課程銀陸拾叁兩捌錢捌分壹
釐陸毫玖絲

中華民國二年 牲稅年包收銀伍百肆拾兩 漁課年包收銀
肆百肆拾兩零 當課年包收銀壹百伍拾兩 酒課年包收
銀貳拾貳兩肆

釐金 查釐金一項以一局分卡數縣縣屬額征若干殊難調查
按滿清抽釐之舉雖出一時權宜實屬苛歛病民茲民國肇造
通商惠工此等困商剝民之政策想不久當然裁撤也